

潁陽千氏族譜序

昔在壬辰猝遇島夷之亂八域蒼生勢必俎肉乃已是時國家
昇平日久邊無戍卒民不習兵朝野蒼黃莫知所爲於是大
駕播越計不知所出乃命陪臣李德馨乞援于天朝晝宵號
哭皇帝特加憐恤命李提督如松爲上將以總督千萬里爲
調兵領糧使率鐵騎數萬從征三戰皆大捷其胤子祥陪親左
右七年矢石中亦多勳勞及班師仍留不返自朝家以爲盛
德巍勳不可忘封花山君官其胤漢城左尹自後列聖累加褒
揚以至有忠壯之謚不祧之廟其爲榮寵極優矣以後雲仍善
爲繼述亦有顯揚於世而今其肖孫錫煥從余遊久矣志堅行
篤克繩祖武推事親之孝以及先隴又推奉先之誠以及宗族
不憚獨賢之勞往來于遠宗中謀所以合譜錫璉翼相允愜譜
既成請余爲文記其實余雖老且病誼同一室其可辭諸

全義李炳殷詩題

卷之三

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

四十五

四十六

四十七

四十八

四十九

五十

五十一

五十二

五十三

五十四

五十五

五十六

五十七

五十八

五十九

六十

六十一

六十二

六十三

六十四

六十五

六十六

六十七

六十八

六十九

七十

七十一

七十二

七十三

七十四

七十五

七十六

七十七

七十八

七十九

八十

八十一

八十二

八十三

八十四

八十五

八十六

八十七

八十八

八十九

九十

九十一

九十二

九十三

九十四

九十五

九十六

九十七

九十八

九十九

一百

舊譜序

有千生錫厚袖一冊而來言於余曰此吾先祖花山君之自記其東渡事及其先蹟者也性潭宋先生爲之書子其爲我見之余乃覽畢謂千生曰千之爲姓我國之希姓也未知其出於何代果是中國人也千生曰東渡後子孫未有顯者先祖事幾乎泯滅而無稱也故請文於性潭付之剞劂欲壽其傳也余曰禮曰稱揚先祖之烈明著後世孝子孝孫之心也善哉子之心也其出於孝也千生又請於余曰先祖之來我東今十餘世散居於各處歲月寢遠必將至於爲其孫而不知其祖也且不知其爲族也今我收而合之爲之譜其爲我序之以弁卷首也余曰既有性潭文余何必更爲言也千生曰此乃紀績文也非族譜序也再三請之不已余曰求文而弁其首者欲其華也以余之不文何以華爲仍謂千生曰予乃皇明人之孫也進叅於

皇壇之享禮乎對曰然余曰余亦以先祖之爲大明殉節於江都也故叅班於壇享焉每於享祀之夜壇儀崇嚴庭燎渾煌朱絃玉管迭奏於上下而惟我聖后珠冕袞裳趨拜於左右不敢有疾亦不敢有徐誠孚顥若於盥薦之際三皇陟降之靈洋洋乎如在其上余與子周旋於駿奔之列叅錯於紳笏之間獲觀象設之儀顯相之禮豈不爲海外臣民之榮且光乎余與子雖無前日之交其視尋常世誼之好不可同日而語也子之請於余其以是耶遂記其問答之言贈之以爲序

崇禎紀元後三甲申仲冬下澣安東金愚淳序

潁陽千氏氏譜四寫有弁卷之文即我三從氏小石侍郎述作也譜成後十有五載千氏之孫家清道名錫休者袖是卷千里裹足從斗南而至謂予曰吾家家譜刊行未幾鼻祖版圖承相公以下三世源派始搜於裔孫錫奎之篋笥舊藏先祖花山君

思庵公真像遺什左尹

鑿

軒公督郵憂軒公弟兄叔姪三世職

牒及宣傳公春曹呈文竝在其中斷爛墨痕宛如昨日此誠我

先靈冥_{步馬}也凡爲我祖雲仍者大懼夫世代寢邈文獻無徵哀

輯漆潤圖所以銕梓不得不鋪張其顛末諗余書之嗚呼君之

先中國之人也華門名閥世有懿德直閣公之齋志報仇侍講

公之秉義立瑾旣見於思庵公筆蹟思庵公以天朝宿將受

皇帝命摠督領糧使與胤子左尹公隨李提督東來湧城萊州

勦蕩殆盡仍畱東土封爵僉蕃虎巖皇岡至于今俎豆之若其

登覽叙懷之作有足以激起忠志之士亦可見母忘皇明之

至意也吁其踵矣金剛僧舍壁中兩世手錄乃出於滄桑百刼

之餘上以紹烏赫之先系下以保零替之後承何其奇也思庵

公見識之宏邃益可知也漢陰李公德馨鶴峯金公誠一往復

詩章在焉性潭宋公煥箕亦爲之記顧余無似何足重輕於其

間而是編也有我先祖仙源文忠公題思庵影幘詩如非平日所艷歎者豈有是哉撫念疇昔不敢以僭妄辭亦以廁名於是役而庸寓匪風下泉之思云爾

崇禎紀元後四戊戌嘉善大夫原任吏曹叅判兼同知 經筵春秋館成均館事安東金陽淳序

我東多大姓名族而其先往往有從中國來者其始來之人必有過人之知垂裕之德蘊蓄積累如水之有源木之有根故其子孫蕃昌簪組蟬聯千派萬枝至於千餘年而不絕此理之所必然者也余於花山君千公出里東渡事蹟竊有所感蓋其從軍留滯似鹽城之李寓居不返似唐城之洪而其奇偉之蹟鬱結之氣又足以孕祉委祥發之於後今其子孫多至屢數百人而皆以公爲鼻祖不其盛歟獨怪夫壬辰至戊戌七年之間公獨終始居東天門撤還之際又不隨詔還朝仍畱不歸者果何

也况值遼藩用兵天子肝食以公之忠勇兼有靖邊舊蹟宜其
匹馬西還效死疆場以無忝虎巖之餘烈而顧乃徊徨彳亍瞻
望_卷_局懷士之思戀國之誠屢發於吟詠而不自己至以留待

河清以暴心迹托之後人者又何意也豈庚辰之讒宿禍復煽
畏約蹙伏鴨水一步不可復窺耶抑當時宵小吹覓公車日盈
名臣宿將不能一籌而多死於都市雖欲歸死必不得其所而
然邪其必有所以然者而其所謂遺事之出於再燼者斷爛不
可攷其後人皆朴野少文無有得公之志事者噫可慨也已然
北苑壇享片土乾淨公之英爽陟降在左右則吾知其不復
以未歸爲恨矣公之先出於蜀而公之所居在山東之穎陽故
爲穎陽千氏自公以上三世世以孝誼忠節著即公所手錄以
遺其子者從公以後今爲十數代散在關北嶠南將合其族而
系之於祖以成全譜亦儼然東方之一大姓也公之十代孫錫

奎錫休等踵門請謁屬余爲序三至而請愈勤余以老病辭不獲焉則特舉公心跡之未暴者而屢致意焉使譜中諸人溯究而以母忘祖烈云爾

崇禎紀元後四辛丑嘉善大夫前行成均館大司成兼同知經筵春秋館事五衛都摠府副摠管韓山李道在謹序

吾鄉千氏收厥族爲譜謁序于余曰吾之先出自魯國穎陽初祖諱嚴始仕于洪武不彰成績閱十世世顯名德至諱萬里捷巍科樹奇勳值龍蛇之役隨李提督東援朝鮮收功最多至封花山君遂卜居于王儉古城仍爲東人花山公未嘗一日而忘上國上白頭絕頂遙望中州曰此皇明禁城也東魯吾先世本貫也山東東昌吾曾祖攸芊也不禁越烏之戀長歌痛哭發爲聲詩略述先系及東渡事實俾後孫珍藏用待河清之日暴我去國懷鄉之志斯事也有未忍湮滅無稱願有以幽顯闡

微圖不朽於永遠爲殘裔不忘本之義謫焉嗚呼花山公徂東
不歸者曾未幾何以神州赤縣盡化爲戎簪纓世胄皆崩奔殄
絕於干戈腥穢之中而幸免者咸淪於被髮左衽蒙汗辱苟活
耳千氏能保有血胤於流離逋播之餘後承漸蕃歲時以衣冠
祀其先人猶不失華夏禮義之風而我列聖又以其天朝舊
閥特加寵異至叅於皇壇享祀於乎休哉花山公以下今爲
十世歷二百餘年而譜再修永觀厥成而不失其世守者豈非
厚德流光垂裕於無彊者乎昔陸機之詞賦先陳世德况宗譜
乎凡爲譜者序宗系則綱紀不紊揚世美則言行不遺而自宗
法之壞人莫知其所自往往未袒免而成路人幸而有譜牒用
紀厥世則或遠附貴顯以自重厚加潤澤以失眞而斯譜則不
然其紀世次既明白可考述先德又典實可據若是者親疎之
分世濟之懿森羅心目興起其孝悌忠信之念高山景行之慕

吉祥善事孚達于門闈道義德業相禪于悠久者詎不賴於斯編哉詩所云孝思不匱永錫爾類爲千氏誦之嗚呼千氏不能復爲中國之人而虜運今將窮矣天下有事興師復雪宜在吾東則吾知其執殳前驅者必是明朝人後孫也是爲我列朝之遺意千氏乎其欽念哉

崇禎紀元後四丁未孟夏唐城洪直彌序

夫譜所以合族也然合族之法原於祭祭自祭稱祭祖至於祭始祖而繼稱繼祖繼始祖之宗立焉宗立而自祖稱至始祖之族合焉春秋以後祭禮缺而宗法隨壞族不復合矣朱夫子憂之至以爲大宗法既立不得須立小宗法近世之立主祭四代蓋是也然四代外猶無統屬及譜法出而始祖以下之族始得以合焉故曰今之譜法古之祭儀也余嘗講之雅矣日明川千君上舍禹鎮訪余子自然庵精舍揖而告曰生之先魯人也千

之姓系出颍陽世世以忠孝顯于明朝矣粵在萬曆壬辰
東方被島夷之難至於去邪主上遣陪臣漢陰李枳公乞援
明朝而李相公三日不食晝夜號哭於仙翼門外一日六上
書如申包胥故事天子憐之以摠輸使李如松爲上將命
救朝鮮而生之先祖思庵公以調兵領糧使兼總督將率鐵騎
二萬從征出東與倭初戰于箕城再戰于郭山三戰于東萊殲
賊殆盡鑿軒公即思庵公之子也而生之十三代祖也陪父東
來七年矢石之中亦多勳勞而及乎班師之日仍留不歸矣自
朝家不忘壬辰之勞封思庵爲花山君給復三十結配享
大報壇拜馨軒爲漢城府左尹令子孫世祿而其後雲仍散在
各處視同姓如行路之人蓋自思庵以後居在東土者一枝也
同根也不與之相睦者抑獨何心哉生於此油然而發收族之心
感焉而會諸宗之誼修葺派系拓採攷證靡有闕漏遍加彌

註程例不紊詳略得宜剞劂之役今將告訖矣要得弁卷之文而生之敢請于公者特以世篤之故耳余不覺斂衽而坐盥手而作曰玄晏之托非其人也追感舊誼不敢以老推辭遂以平昔素講究忘僭而序之云爾

萬曆紀元後五辛未菊月上澣輔國崇祿大夫兼吏曹判書知中樞府事李宜翼序

東國有千氏肇自花山君蓋以 皇明總督承 命東援有再造之勳居東不返子孫遂爲東人而猶仍貫於穎陽以著唐姓而欲一家於中州中州之千吾未知閥閱奚若而雖使爲公爲卿奕世鍾鼎必不免於被髮左衽之蠻俗而東國之千數世之後瑣尾不振功不食報而猶不失先王文物衣冠數百家服儒而言儒以至於今日執据公佗日河清之語而想像焉則公之所願在此而不在彼矣不然雖使禍邦報答不世之勳登庸繡

讞及於子孫豈若奏凱 皇庭蒙被恩遇食舊德於舊貫哉 蹤
公三入金剛懷鄉痛哭則蓋有甚不得者在此雲仍之僅及今
日豈公始料之所及但 國朝報答大勳何其黜昧花山之封
散班之除僅及公與公後數世而將門出將未聞於來裔其忽
忘於不可忘者如此則今日壬辰遺種復踵作孽無怪其無一
人義士嗚呼歎矣千氏及今修譜使公當日毅烈宣布於日忘
之餘者豈義士輩出之消息歟第爲千氏願則有之花山君以
中朝名臣視福邦之興廢雖謂之痛瘁不關可也而猶奮揚威
武不私其身今千氏十世爲臣民所處之義固自別矣以乃祖
之風勉自別之義則始可謂花山君之肖孫豈但以一日苟簡
之役謂吾事已了也千君錫鳳錫範致諸宗之意而命之序

歲己亥元月幸州奇字萬謹書

余每讀忠壯公東渡實記未嘗不三復流涕也凡頭戴海東天

而口能談壬辰事者孰不曰豐功盛烈而至于今傳誦之其德
蔭攸及宜有餘慶之禾艾何吾門衰替不振至于此耶自公之
汲三百有餘年至予今日爲吾譜者三而載吾譜者通計遠近
宗支前後存沒不知其幾千百人未曾有德行事業可稱於世
者誠可寒心或者以爲朝家於明朝勳臣眷念未厚榮寵不
及其裔此甚不然我列聖王於公之父子加以封爵又世祿
其孫其爲光澤至此極矣竊觀我東名家子孫簪組金玉世世
不絕者豈徒爾哉是蓋克肖其德而有以繼述也有是祖而無
是孫者亦如之乎此誠刻骨銘肺而不可忘者也詩不云乎無
念爾祖聿修厥德苟能念念不已篤於自修而常恐其不逮於
祖則吾門之昌大自可見矣嗚呼方其設譜役於鄙舍也事甚
浩大力又彫殘常恐不能完其役矣何幸衆謀允協又有炳纘
族尤殫力周旋與迷兒錫煥董之經數載始訖於此可見衆情

合二可與爲善也譜者所以尊祖敦宗也蓋尊祖莫重乎繼述敦宗莫大乎勸戒故略述生平所嘗蘊結于肺腑者示後進知所自勵因以爲吾譜序

歲癸酉秋七月

不肖後孫斗基謹書

穎陽千氏東國世譜卷之一

天

中祖諱萬里

字遠之
號思庵

嘉靖癸卯八月一

日生

贈崇祿大夫奉朝賀

封花山君

謚忠壯

慮國忘家曰忠
勝敵克難曰壯

嘉靖乙卯登慶科
及唱名以年幼

不賜第仍命
入侍厚加賞

賜

隆慶辛未登武科
壯元

萬曆乙亥以摠節
使出鎮北路翌年

召爲內衛

二世子祥

字茂元
號鬱軒

嘉靖戊午生壬辰

陪思庵公東征

宣廟癸卯以勞績

除

嘉善大夫漢城

府左尹兼五衛

都摠府都摠管

常懷上國作望

北詩曰東顧

皇恩未敢論經

年優得解方言

天邊夜氣雲還

野海外秋聲月

人影遠鶴園松

三世子泰智

字精岫

萬曆甲申三月十

四日生行

通德郎自少時

有處士之行隱

不出仕謹次思

庵公金剛山詩

曰踏東溟月蒼

望北鯤雲白杜

鵲花上淚三世

未歸客幽居偶

題曰兔溪流水

滌塵心白髮坐

深綠樹陰慷慨

夷山色襲青襟

餘生嘉遜遇武

四世子晚榮

字君則

庚辰十月十八

日生繩武牖后

有男各抱穎悟

乃知拔萃故以

大朴之意遺我

果孫己亥二月

二十日卒

配羅州羅氏雲攀

女庚子三月三

日生壬寅九月

十五日卒○墓

上同雙墳有表

床石

五世子承哲

字元實

癸亥十二月十

四日生庚午六

月十八日卒○

墓上同有表床

石

六世子德潤

子德弘

子德贊

子德恆

子承望

子德明

忌九月二十一

日○墓先塋下

配坡平尹氏忌二

月十五日○墓

跋

夫譜合族也修其譜而合其族慕先垂後乃人道常義也惟吾
千姓所自得來丞相公諱巖始顯於中華而大明洪武初以勞
績官版圖丞相忠壯公諱萬里顯東國而萬曆壬辰以摠督將
率鐵騎二萬與李提督如松奉 命東來與忠武公李舜臣并
戰連捷功不在后也李朝封花山君配享大報壇謚忠壯丞相
公中華之始祖也忠壯公東國之中祖也忠壯公生諱祥官左尹
諱禧官參議左尹公生五男參議公生三男於是乎八派分焉
忠壯公東渡後凡三百六十四載間曰孝曰忠曰文曰武傳子
若孫五行天干諸行列其麗不億矣抑亦五孝七忠自古云稀
之稱亦是也禮云稱揚先祖之烈明著後世孝子孝孫之心吁
其偉哉往古累次修譜寔出孝先裕後之大範而惟癸酉年間
之譜綜合權域範圍修正傳之于世金玉珍藏創其役而完其

役者伊誰錫煥也以後二十餘載甲午春於追遠齋八域諸族
同聲發議欲修譜史錫煥繼而奮然蹶起董督甚事誠勤不已
余雖老耄豈敢坐默而晏然耶并文月擔役殫誠竭力閱二箇星
霜而功告利成斯譜也其規模方略燦然備具庶可爲後日之
鑑戒也

忠壯公誕降四百十三年乙未仲春 后孫 錫璉 謹識

竊惟尊其尊莫先乎所自出親其親莫先乎所自分所自分雖
遠吾安敢不愛所自出雖久吾安不敬然則愛敬愈加久遠之
域尊尊之道親親之禮於是乎畢備此譜法之所由起也昔我
先祖忠壯公渡東樹勳照朗今古而後孫之遞列其麗不億亦
不讓於姓苑巨族矣吾千氏有譜以來凡五回續修亦不無踈
漏而吾先君常慨于此徃癸酉歲於全州本第編成大譜然亦
未統制緣於邦國凶變時代不利之故也先君遞即下世風樹

之憾無所逮及予今二十餘載矣昨春南原追遠齋宗會修譜
之議奮發各道宗中公布輻輳遂與諸族迭爲始終之役繡于
檉而了焉總十四編也嗚呼于今此舉豈敢曰繼述亦負泰山
之眞銓也後之敬讀是譜者孝悌之心亦不無修輯之日而尊
尊之道親親之禮與天地并行愈久無疆矣請以是爲叙焉

乙未仲春上澣

後孫錫煥

謹識

凡譜之爲修也上以繼先世之往蹟下以明宗支昭穆派系親
踈遠近之分別者也是以二程之分修黃氏之獨修以爲後人
之柯則皆其所以先賢之親爲也惟我氏族自忠壯公東渡以
後遺裔仍留東土冠儒服儒不受醜虧之辱而存焉其線陽之
炳明可令人起敬起義嗚呼昔在壬丁之燹距今三百六十餘
載吾氏之修譜也將至四五回而未得統制尙以爲茹恨矣况
今世道滄桑大勢變易南北分列人物文華寘然不相干其於

宗黨親親之道尤獨如何哉蓋人而族其族親其親若非世譜續修無以明倫綱之大義矣是故錫璉錫煥與諸族歎世道之如許油然發收族之心忘其年暮挺身出力欲修其全譜志可固義其深矣余亦愚微一族竊寓慕先之衷心殫誠堪勞與數三同族難疑互質輯單修系靡有闕漏而校正次序不紊規模惟新庶可爲後日之鑑戒也

乙未仲春

後孫 翼相 謹識